



pravosudna mreža
BOSNE I HERCEGOVINE
правосудна мрежа
БОСНЕ И ХЕРЦЕГОВИНЕ
justice network
OF BOSNIA AND HERZEGOVINA



forum građana tuzle



Helsinški odbor za ljudska prava
u Republici Srpskoj

NEWSLETTER BILTEN

Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.

| Broj 24. |

NOVOSTI

Održana radionica „Rješavanje predmeta ratnih zločina“

Jednodnevna radionica „Rješavanje predmeta ratnih zločina“ održana je danas na Vlačiću. Radionicu je organizovalo Visoko sudsko i tužilačko vijeće Bosne i Hercegovine (VSTV BiH) u okviru projekta „Konsolidacija i dalji razvoj pravosudnog komunikacijskog i informacijskog sistema“ kojeg finansira Evropska unija iz programa IPA 2013.

Svrha radionice bila je prezentovanje trendova procesuiranja predmeta ratnih zločina prenos predmeta ratnih zločina. Učesnici radionice, sudije i tužioci koji rade na rješavanju predmeta ratnih zločina, su razgovarali o predmetima koji su prosljeđeni i ponovo preuzetih od tužilaštava 2010. godine, praksi Suda BiH kada je prenos predmeta ratnih zločina u pitanju i prosljeđivanju predmeta u skladu sa novom praksom tužilaštava u BiH.

Uvodnim obraćanjima radionicu je otvorio g. Zijad Kadrić, sudija Apelacionog suda Brčko Distrikta BiH i član Predsjedništva VSTV-a BiH.

G. Kadrić je istakao da VSTV BiH uz snažnu podršku Evropske unije preduzima različite aktivnosti na implementaciji mjera predviđenih Državnom strategijom za rad na predmetima ratnih zločina i preporuka Strukturalnog dijaloga o pravosuđu između Evropske unije i BiH, s ciljem stvaranja uslova za efikasno i kvalitetno rješavanje ovih predmeta. Naveo je da je i ova radionica dio saradnje Evropske unije i VSTV-a BiH kako bi se u kroz razmjenu dobrih praksi i iskustava različitih sudova unaprijedio rad na predmetima ratnih zločina u Bosni i Hercegovini.

Izlagачi na ovoj radionici su bili predstavnici OSCE-a u BiH gđa Antonietta Trapani, pravni savjetnik na projektu „Praćenje rada na predmetima ratnih zločina“ i g. Nenad Đurić, pravni savjetnik, gđa Minka Kreho, sudija Suda BiH, gđa Gordana Tadić, v. d. glavnog tužioca Tužilaštva BiH, g. Munib Halilović, tužilac Federalnog tužilaštva FBiH i g. Branko Mitrović, tužilac Republičkog tužilaštva RS..



CENTRI CIVILNIH INICIJATIVA
ЦЕНТРИ ЦИВИЛНИХ ИНИЦИЈАТИВА



Centar za promociju civilnog društva



USAID
FROM THE AMERICAN PEOPLE

Na radionici su usvojeni sljedeći zaključci u vezi procesuiranja predmeta ratnih zločina:

- Potrebno je da svi sudovi i tužilaštva u narednom periodu ulože dodatne napore u procesuiranju predmeta ratnih zločina;
- Potrebno je da sve nadležne institucije za procesuiranje predmeta ratnih zločina uzmu aktivno učešće u procesu unapređenja i prijedloga izmjena Državne strategije za rad na predmetima ratnih zločina, te iste dostave Nadzornom tijelu za praćenje provođenja Državne strategije za rad na predmetima ratnih zločina;
- Po uzoru na praksu Tužilaštva BiH, bilo bi poželjno da sva entitetska tužilaštva izvrše reviziju predmeta ratnih zločina radi utvrđivanja postojanja predmeta koji eventualno nisu dostavljeni na ocjenu u skladu sa Kriterijima iz Državne strategije za rad na predmetima ratnih zločina;
- Istovremeno je potrebno izvršiti kategorizaciju KTARZ i KTNRZ predmeta Tužilaštva BiH u skladu sa Kriterijima složenosti, a s ciljem utvrđivanja mogućnosti delegiranja istih na entitetska tužilaštva;
- Potrebna je kontinuirana komunikacija između tužilaštava i Državne agencije za istrage i zaštitu, te nadležnih policijskih tijela, a u svrhu unapređenja saradnje;
- Sugerise se Nadzornom tijelu za praćenje provođenja Državne strategije za rad na predmetima ratnih zločina da ispita raspoloživost ljudskih i materijalnih resursa u sudovima i tužilaštvima i nadležnim policijskim tijelima u svrhu efikasnijeg procesuiranja predmeta ratnih zločina.

Preuzeto sa <http://vsts.pravosudje.ba/>

Vlada Švedske nastavlja pružati podršku unapređenju efikasnosti pravosuđa u BiH

Ugovor o grantu vrijedan 1,6 miliona eura potpisan je danas između Ambasade Švedske u Bosni i Hercegovini i Visokog sudskog i tužilačkog vijeća Bosne i Hercegovine. Potpisivanjem Ugovora o grantu Milan Tegeltija, predsjednik VSTV-a BiH i NJ. E. Anders Hagelberg, ambasador Švedske u BiH ozvaničili su početak implementacije druge faze Projekta unapređenja efikasnosti sudova i odgovornosti sudija i tužilaca u BiH.

Predsjednik VSTV-a BiH Milan Tegeltija je u uvodnom obraćanju naglasio da potpisivanje ovog ugovora predstavlja primjer dobre prakse i saradnje VSTV-a BiH s Vladom Švedske na unapređenju efikasnosti pravosuđa u BiH, te je iskazao zahvalnost ambasadoru Švedske u BiH i istakao: „Putem ovog Projekta, fokusirajući se na sudove, kroz jačanje vladavine prava, efikasnost pravosuđa ćemo unapređivati kroz mjere i aktivnosti usmjerene na unapređenje položaja ranjivih grupa u kontaktu sa sudom, jačanje rodne jednakosti među nosiocima pravosudnih funkcija, pružanje podrške pravosudnim institucijama putem saradnje sa pravosudnim tijelima Švedske, jačanje kapaciteta sudova u efikasnijem rješavanju predmeta, reformu izvršnog postupka i snažnu borbu protiv korupcije.“

Predsjednik Tegeltija je takođe dodao: „Želim istaći da je u našim rukama jedan od ključeva za ulazak Bosne i Hercegovine u Evropsku uniju, a on se odnosi na uspostavu vladavine prave kroz efikasan i odgovoran pravosudni sistem. Zato moramo uložiti više od sto posto naših napora da bismo sudove učinili ažurnim i da bismo odgovorili obavezama koje je naša zemlja preuzela potpisivanjem ugovora o stabilizaciji i pridruživanju s Evropskom unijom. Rezultati koje trebamo postići realizacijom ovog Projekta omogućiće da zadržimo kontinuitet reformskih aktivnosti koje predvodi Visoki sudski i tužilački savjet Bosne i Hercegovine.“

Ambasador Hagelberg je istakao sljedeće: “Na putu ka Evropskoj uniji pravosuđe BiH se suočava sa brojim izazovima. Pitanje reforme pravosuđa treba posmatrati u kontekstu izraženog nepovjerenja javnosti. Javnost često smatra da su sudovi spori i neefikasni. Potreban je veći nivo transparentnosti i odgovornosti prema građanima BiH, i to je novi način razmišljanja koji BiH treba da prihvati. Pored toga, milion i po neriješenih komunalnih predmeta i dalje predstavlja veliko opterećenje za pravosuđe, što takođe ne doprinosi jačanju povjerenja. Sudije i tužioci su ti koji treba da odgovore na rastući pritisak i da budu svjesni težine okruženja u kome rade. Ujedno, oni su ti koji treba da vrate povjerenje javnosti u sistem. A pravosuđe je najvažniji element na kome počiva vladavina prava. Danas obilježavamo nastavak zajedničkih aktivnosti na izgradnji vladavine prava uz finansijsku pomoć švedske vlade. Od vas očekujemo dalju posvećenost unapređenju rada pravosuđa. Švedska će pružiti pomoć BiH u njenim naporima na jačanju integriteta pravosuđa.“ Preuzeto sa <http://vsts.pravosudje.ba/>

Promovisana nova uniforma Sudske policije u Federaciji Bosne i Hercegovine

Dana 29.12.2016. godine u prostorijama Vrhovnog suda Federacije Bosne i Hercegovine u Sarajevu promovisana i prezentirana je nova uniforma Sudske policije u Federaciji Bosne i Hercegovine.

Nova uniforma je rezultat dugogodišnje analize uniforme koju službenici sudske policije nose od samog osnivanja Sudske policije Federacije BiH, tj. od početka 1999. godine, te ukazane potrebe za promjenom uniforme radi prilagođavanja objektivnim potrebama službenika sudske policije.

Osnovne karakteristike nove uniforme službenika sudske policije proizilaze iz toga da će ista biti prepoznatljiva po jedinstvenom dizajnu, savremenosti i kvaliteti materijala, te činjenici da je kroz svoje sastavne dijelove prilagođena stvarnim potrebama službenika sudske policije, odnosno prilagođena za izvršenje poslova unutar zgrada pravosudnih institucija ali i za obavljanje poslova i zadataka u specifičnim geografskim i klimatskim uvjetima.

Ovo podrazumjeva da su pored ugrađenih ojačanja u kroju, određeni sastavni dijelovi uniforme vodonepropusni ili voodoporni, što će omogućiti nesmetan rad službenika sudske policije u težim vremenskim uvjetima.

Prisutnima na promociji uniforme se obratio g. Edin Vehabović – glavni zapovjednik Sudske policije Federacije Bosne i Hercegovine i predstavnik firme koja je nakon dodjele ugovora u skladu sa odredbama Zakona o javnim nabavkama BiH izvršila izradu i isporuku uniformi, a radi se o domaćem proizvođaču iz Bosne i Hercegovine, čiji predstavnik je ukazao na specifičnosti pri izradi uniforme i kvalitetama materijala korištenih za isto.

Odmah po zaduženju službenika sudske policije koje je u toku, a vodeći računa o jednoobraznosti, uniforma će istovremeno biti stavljena u upotrebu u svim organizacionim jedinicama Sudske policije u Federaciji Bosne i Hercegovine.

Preuzeto sa <http://vsts.pravosudje.ba/>

